

壹

齋

集

壹齋集卷十六

當塗 黃鉞 左田

古今體詩三十六首

盡辛酉一年

元日直歸與子卿對酒作

一窗晴日放盆梅急脫朝衫命酒杯朱橘甘酸青子澀莫孤辛
苦自南來

烏几橫陳七尺寬硯山墨沼襍辛盤下簾何必分南北只作城

旁屋裏看

城旁書屋子卿家齋名

今年邸舍昨僧廬嬉戲真如同隊魚正要兒曹知此樂爲君詳
細寫家書

時有客南歸

送程

家祥

秀才

召試孝廉方正歸蕪湖

艸綠瀛洲柳茁芽西山山翠撲征車去當京輦清明節歸及鄉

園芍藥花徵士心殊憚行役廣文官好補陔華奉觴上壽春猶
盜宅涌江魚不待又

程居臨
江上

清明

又感清明節候催紙鳶風暖碧天開斜陽獨立時南望默想諸
兒上冢回

緣埂穿圩簫鼓鳴邨邨擔酒賽清明昨聞米價春來貴多恐羣
酣醉不成

得東田書卻寄

人去賓鴻南書來候雁北眾方萬里搏彼獨六月息惟憂鄉國
饑不說家無食畝斜字幾行乍試病起墨空帷感蚬蜃想見可
憐色

東田時
悼亡

秋風生何時奮飛至君側

廣甯門外送客作

羈心似馬驕難韉力與流光相縱送寒食清明兩度過青山白
紵連宵寢臨水登山記昨年邨桃溪杏陵晴烟千頃菜花黃照
眼萬株楊柳綠差肩朝來送客南歸路馬頭塵起西山暮不羨
人今取道歸劇憐我昔從茲去

春夜獨坐憶紫陽夜歸作

入城訪故交飲歸夜將丙經過巷無人閒有燈光叩開門煩老
兵俗厚宵不警花枝上肩輿清月光出嶺分明巖壁上寫我須
眉影呼船渡紫陽山峭東風冷遙聞叢竹間書聲正清永

憶六安有花竹齋

觀善堂連敬業堂花南硯北最難忘百竿窗竹經年看幾箭盆
蘭一月香筆點欄干酬句苦墨濡衫袖揚碑忙當時但覺家園
好此日尋思並故鄉

合歡花下歌

澄懷園直廬作

碧羅翦葉絨作花千枝萬葉相鬢髻晝炕宵聶若有覺不比長
楚矜無家我時臥病正相對香氣郁烈侵窗紗嵇生著論久無
驗羔妻醞酒誰爲賒人生煩惱皆自取驅使艸木胡爲耶卽如
此花植此地公卿過眼紛如麻閨人成世復幾輩若者簡策誰
爭鬻兩潘二陸昔森列皆隨槐柳爲枯杈花如有知亦不適何
暇蠲我閒客嗟清陰雨濯碧空淨化作翠鳳棲檐牙好風勸我
且騎去搏桑東海看天葩

澄懷園直廬臥病口號

雲路難階骨不僊三生定有惡因緣如何竟作唐公鼠滌胃前

腸太可憐

時病下利

蹠蹠騎嘶繞屋過日斜猶聽曳車騾茲坊自有大人住不是梅

生致客多

苦雨述病

六月六日
京邸作

一雨竟五日客舍成清溪中堂坐張葢傘曲如雞棲牆傾見南
鄰屋場傳街西可憐祖參軍終日頭常低維時遭厲勝請醫限
塗泥種種受苦惡若剝生蟹臍我雖號老饕味不出菜畦逾旬
再食肉無故不殺雞南艘購筍脯北甕求寒螿要得好滋味重
令加鹽醢瓜果絕不嘗冬偶食一梨致病當有因此因真無稽
將刀剖我腹刮洗煩金匱坐想乃成癭癭賦歸來兮道逢長桑
君授藥纔刀圭入口便霍然仰見紅日躋上堂拜吾兄入宮見
吾妻諸兒喜我歸嬌孫索提攜裘同五經塾乾鵲迎人哢家人
自今請勿再親輪蹶儒冠餓不次慎勿行自迷檐聲忽驚覺苦
雨猶淒淒

子卿吉士與梅孝廉

沖

同館於范鴻臚

蓋

家吉士齋居

滲漏移榻就孝廉同宿孝廉用

鉞

苦雨詩韻嘲之

鉞亦

和作

竝居得張陸隊魚游一溪朝逐落花食暮各依蒲棲天忽降淫
雨流驟分東西一居聽事高一壓頽檐低端居踞几案投足五
斗泥如酒判清濁到鬲不到臍相望但枿拱竟爾分眄哇淒淒
風雨中不得同聽雞無已移榻具合作一甕盤處內忽處外膾
炙消醬醯居然別甘苦去蕙而進梨

子卿齋居後抱卹齋在前中隔主人寢

梅仙

詩有聲東方雄滑稽書示釋我病如施眼中飽朗吟真快哉善
戲非謔兮是日天宇清缺月磨新圭地潮更蒸鬱寢想樓臺躋
一燈又枯坐椅妾偕影妻幾回思自玆遄歸手分攜鷓鴣向君
鳴杜宇隨我哢明年繼王後杏苑馳風蹏或者雲霧窗不怕烟

雨迷高歌蘇病骨日望秋風淒

六月十日乍晴再疊前韻

衾裯上梅綠街衢滙山溪家家見初日各各曝所棲雲過忽霏
雨救東已失西陰晴凡百變抱坐雙眉低自從改月來推人墮
溝泥攬衣苦積潤飲水痛繞臍傳聞國四郊迷漫失町畦人家
水半扉晝寂邨無雞哀鴻聚野廟喫盡僧廚罄以水爲四鄰誰
乞微生鹽

聖慈詔發粟零丁蘇病梨仍命使者出四路勤考稽治水若
治髮疏爬煩櫛篦分明

天地仁生育父母兮朝來氣疏爽嶙峋淬角圭我欲驅愚公箕
畚西山躋叩石復墾壤督率京城妻爲我置土石填築相招攜
大道如砥平柳蔭秋蟬曉一日奏三捷紅旗飛霜蹶千邨婦子

聚萬竈炊烟迷風雨皆和甘春夏無苦淒

三疊前韻酬杞邨並戲呈子卿

河魚感腹疾蜚氣傷太溪

素問太溪腎脈氣也

未明先眾起啓戶驚鳥棲

力疾弄柔翰塗東而抹西問誰迫之然皆爲宣城低一唱再三
和蓮花出汗泥祕思乙乙抽不絕蜘蛛濟遂令病夫病俯仰如
夏畦豈知巨小才分絕魯越雛形謀縱成光難免所患螫臂彼
知味人乃善調醯醢詎有脂粉材膏沐塗凍梨王生登玉堂章
組思會稽家慶拜鶴髮閨妝媚鸞篋那管羈旅中叔兮兼伯兮
同牀各聽雨圓壁殊方圭寒山與溫谷是在人所躋唯予獨私
君不異鄒忌妻卅年見頭角已辱相邀攜蘭成名父子英物傳
兒嘸奈何千里足暫絆追風蹏幸賦壯游樂勿令歸客迷吾言
不當聞餘辛多苦淒

子卿偶作山水小幅未竟爲人竊去乞余題詩因爲足成書二絕句仍送子卿和之

邨南邨北翠屏顏豔實妍英滿目斑恍惚十年前過此肩輿簪嶺看黃山

近來畫筆數王蒙大好家山落眼中寄語後人須認取樹頭雲脚是癡翁

四疊前韻酬子卿

君材堪薦羞采采遲澗溪十三從吾師謂尹甫兄筆硯神明棲是時頂尙髡坐我廳之西玉雪眾所愛誦讀頭惟低顧我意氣合有如印抑泥我試京兆歸不學悔噬臍移家住中城陋室同荒畦不謂鳳皇羽學舞從山雞詞章雖小道是非敢相鑿手書坐桑蔭朝暮忘鹽醯辛勤日耆學甘若鑽楨棗稍稍出有章不作言

無稽時或事棒喝言下參竹篋別離凡幾更間兮而咥兮磴諸
敢尸功琢磨由璧圭今年策高第目送金門躋正當命柴車迎
取山公妻胡爲憶畫社壺榼朋儕攜君聽春晴鳥詎效寒號嘯
免魚旣已得何弗忘筌蹠小友流盛名老馬塗自迷去住兩不
可病起彌蕭淒

又雨

昨日日未出朝霞紅若火今晨雞三號窗黑起不可已徵雨必
來霏微耐猶頗須臾又翻盆萬箭急飛笥將毋我雷車不絕膏
流輒不然逃乖龍千載脫囚鎖嗷嗷哀鴻哀戢戢裸蟲裸大哉
我

皇恩博濟錢米夥北農飽亦易快嚼餅生裹奈何靳區區絕彼
萬頃朵雨師本至仁乃與

聖心左急爲捲洪波還我塵掘堞寒須種木棉饑可拾瓜果人海同一心哀祈豈惟我

五疊前韻再呈子卿以達前篇未盡之意

吾鄉數詩人青山與姑溪烏江後來秀卜築于湖樓至今有遺跡猶在西城西三君論優劣功甫品較低同人于野亭乃反需于泥李張若狸麝來射緣香齋雄才頗跌宕不復修町畦其後頓寂寞淵淵惟羣雞時文千萬篇旨蓄三冬鑿紛紛聚蠓蠓滅沒百甕醢詩文豈無集雕刻冤棗梨科名世俗重再請爲君稽翰林何應鑄韋謙三花燦釵篋及今四十年榮者得子兮木

翁

章別號

盛文章久作特達圭兩君上玉堂歷階僅半躋譬彼荀

奉若神傷喪厥妻

何改主事
陶改知縣

子才正及鋒卷軸隨身攜官職春

林花聲名芳鳥哢鄉人看花客蹀躞林中踞花飛鳥哢歇評隲

何人迷勉哉志著述無忽風雨淒

咏屋上艸

一番雨過一番青
得地居然似建瓴
寸寸秧鍼初出水
油油麥浪漸分町
牽連茅屋蘿堪補
平接松廳翠欲冥
占斷高明究誰種
耕烟多恐藉龍靈

瓦溝披拂莽縱橫
壁薛牆蒿比附榮
瞻彼屋烏何處止
誤他櫪馬向空鳴
也思廣廈千閒庇
那識秋風一夜生
拔比卷施根務盡
漏痕毋再涖雕甍

六月廿日得家書喜大兒

初民

將以選貢入都

怪底連朝鵲噪聲
書來拔萃有兒名
雖非甲乙科堪重
差喜栽培樹向榮
遲汝三冬行李卸
慰余一釥對花傾
翻嫌留滯初衷改
歸計明年始得成

次韻抱邨子卿屋漏聯句

皇天雨無私，雨屋均華陋。棄故厭趨檐，復古欲中雷。稍稍篷送聲，泠泠蓮滴漏。微消俯察無，潛暈仰觀覲。忽焉雲雷屯，不辨曉夜晝。九派倒江流，萬笥游羿殼。一鼓氣不衰，少休勢來又。泥淖巷無車，市罷物不售。萬瓦謝無權，我居禍日構。及榻苔錢滋，破屋書帶秀。是身若車軸，眾水牙輻輳。愁坐劇拘囚，急避甚逢寇。無名時潛侵，有備幸三覆。須臾水灌城，一決不可救。衣製便思逃，疾作何處走。拍浮卮無當，敲仆器如宥。廐傾馬失槽，戶落僕由竇。醞釀鬱兼旬，點滴作重酎。染衣柳汁黦，蠲紙朶雲湊。眾方數雞棲，我卜投龜詬。沈思臯人得，巧者心孔疚。屋因蔽雨成，瓦以行水罄。奈何勢建瓴，不若石上溜。補苴先菊開，彌縫趁槐候。杼柚供惰慵，泥水混襍糅。因思若輩心，恐樂終日驟。我棲僅再

遷衾枕黴黑透治宅力未能移居詩立就經涂與環涂竟無一
椽僦蹢躅丈室中步延已及衰偉哉二子雄對敵千言門瀏亮
體物工博洽徵材富險語破愁雲一散再不復哀矜到窮檐豈
弟神所佑葺君雲霧窗理我詩書園天晴病骨蘇歸計秋風謬
放懷好共謠杯酒互勸侑瑾戶會有時羔裘詠居究

七月五日移寓準提庵用田山薑移居韻

韋郎避漏眠于車

謂赤城

王生屋裏頻移家我居牆壞僕幾壓舉

室奔竄如驚麕有庵巷北舊棲息踏鼓兩度趨朝衙急移書簾

召橘尤不憚行步爲敲斜

時病足

眼明階前兩椿樹在昔屋後當

梅花

梅花樹下僧廬
昨寓前舍額

芟夷敗葉聽好鳥掃除四壁供塗雅詰朝

七夕約二客

抱邨子鄉

庵門月好須常搗仰天一笑席衣瓦補漏奚

必煩皇媧

時京師屋漏者
多以席覆之

次韻子卿四秋詩

秋桑

驚心牆下葉飄蕭曾是羅敷手上條
一飼蜉蝣成獨繭惟餘絳緯泣終宵
今年河決秋仍溢永定河發源千桑乾往歲邨沽春已燒桑落酒
猶記小樓夜聽雨涼燈影裏翠如澆古桑書屋半掩閑鉞十四年前讀書處

秋柳

絲絲無復翠烟迷搖落長隄更短隄
霜重也如青鬢禿花濃曾繫紫騮嘶
折腰陶令懷松菊倦眼邊營送鼓鼙
葉葉蛾眉總蕉萃不堪依樣畫溪閨

秋蘭

底須待女植纔芳一種西風有國香
空谷何知怨遲暮騷人枉自判炎涼
惜無嘉蕙開同畝合采靈芝共一房
若以春黃門秋

紫鑪須蝶粉太飛揚

秋海棠

誰將紅粉乞吳娃
幻出頰霞擁碧階
已分榮枯隨玉露
無端拗折上瑤釵
甘蕉葉大彈誰屑
叢桂山空隱欲偕
襲取西州名莫笑
無香翻遜爾幽佳

小至日招王吉士

澤

梅孝廉

冲

吳進士

鳴捷

江明經

玉

小集時吳將南歸索畫贈別因題此詩並簡胡處士

唐

朱員外

文翰

吳水部

文桂

巴訓導

樹穀

萍螯豆粥嗤齊奴
咄嗟而辦羹材麤
采杞食菊貧無徒
自詎其日先迂疏
我今獨宦拋妻孥
月俸不足腥齋廚
有魚一尾酒一壺
便招好友相嬉娛
坐中有客延陵吳
欲書驢券歸天都
爲言於君無所需
但乞一角雲山孤
我嬾不畫幾年餘
起覓矮紙濡

豪塗不寬不頓亦不迂西山一抹樹幾株道旁卽店門停車握
手且復留斯須君歸簞南樂只且清景待我先描摹門前碧玉
水一渠屋後綠萼梅花初到家歲酒傾屠蘇密林檎釀卽可酤
貓頭筍勝玉版腴牛尾狸笑花豬腥一聲爆竹當街衢四山響
應春雷如君家門戶今崔盧世美可匹眉山蘇此行況未飛雙
鳧如石韞玉蚌孕珠溯洄倘見潯溪朱解后巴吳城東胡道我
鬢白漸及須窮愁不復能著書池魚日夕思江湖酒酣豪氣未
盡除猶是昔日貪饕夫河西酒樓飲或醪勿忘今夕曾圍爐春
明花發來剖符爲君更作山泉圖

醉後

我久不能飲寒甚輒數觴數觴亦已醉忽發狂奴狂張目奮口
吻排擊含風霜那知四座驚但罄中心藏我年過五十髮白顏

已甚安能從少年
屈曲俳優場爲輪待曲木
欲室需毛嬙畢世
不可遂何復求
徬徨願言釋羈疾
歲晚歸茅堂

望初兒至

聞說行期廿日過
計程當早渡黃河
憐渠乍歷冰霜苦
見我應驚鬢髮皤
訪舊預思燈燭共
迎年喜對酒樽歌
方憂汝伯偕諸弟
遠別霜襟奈若何

題堅甫壬戌歲朝圖

憶我從兒戲回頭
五十年折花能上樹
爆竹不論錢巷犬
羣驚吠鄰雞聽嬾
眠展圖搔白髮惜
未采豪傳

來元生及晬歲晚
我朝京自顧難爲
祖憐渠已作兄團
圓尊酒樂眉目畫
圖清留取唐花在
燈前問阿鳴

疊齋集卷十七

當塗 黃 鉞 左田

古今體詩三十七首

盡壬戌一年

孟陬四日與子卿夜坐三次舊寢軒韻

年頭歲尾走東華三度移家未是家強約故人來竝宅相將賀
正共登車踏青舄記鞍同繫鐻白難勝鬢日加脫卻朝衫拈畫
筆湖亭幸不在天涯

時與子卿合
作山水長卷

空羨天隨屋并楹何時得遂耦耕情泉如在澗終難濁琴本無
弦那用更李白蓬蒿甘共老蘭成詞賦枉知名輸君正作新年
寢我已雙輪碾雪鳴

蛩蛩何曾利走趨也隨麋鹿躡蓬壺刻成桃李終非實畫出毛
施卻易摹青靖兵氛傳鼓吹好調和氣播籟竽顏蒼髮白今年

甚只稱扁舟泛五湖

東坡詩自髮蒼顏五十
三歲今年正五十三

短檠分照一編開對把淡杯注綠醅百歲光陰今過半兩家子弟急需才花經活火看徐放春到征鴻取次回循吏儒林當並讀和羹時正要鹽梅

三月朔日澄懷園直廬作

柳色烟光綠漸勻園居最好是三春編籬徑誤常來客疊石階便小憩人初日杏花紅破萼晚風池水碧生鱗連朝上巳清明到惟欠流鶯入耳新

三月八日夏莊送

駕歸雲檐司空招陪石庵相國石

君夫子煦齋司農極樂寺看花石君夫子有詩用韻奉

和

杏花春色酣楊柳青旗映屬車靜無塵歸路斂餘敬追陪黃閣

老接軫綠莎徑風驅遵河塹波活船可榜行行憩招提佳日游

蹤更

庚申九月
曾此看花

山門犬載嗅花樹僧出迎娟妍門白紅結束晨

妝靚盆蘭碧箭抽山茶紅萼迸臨風玉樹新高架木香橫鸞枝
閒海棠兩兩色相競鈴塢白牡丹出窖母乃瀕阿那狀需嵇璜
細箋漏鄭照眼觸鄉思三月于湖盛山秀可療飢艸香欲蘇病
林溪鶯炙簑水暝魚躍鏡春雲白於衣新酒清如聖卅年樂不
支一別苦無脛茲游豁心胸取道不幽篴何幸夔龍旁得遂麋
鹿性歡顏釋羈愁繼聲發高詠

送江明經

玉歸歙

江君先我來京師小住三年卻先去留君無計送君歸那忍臨
歧贈無句君年二十美且都天機清妙裴王徒文工畫妙兩無
敵山花溪月相嬉娛昨來京兆赴秋試公卿交口互嗟異試文

乍出十手鈔名字應須榜頭置一椎博浪竟誤投羣嘖殷譽何
悠悠有才如此且姑去遺珠象罔終能求眼前多少嫺風雅文
字鄒枚經鄭馬攬袂誰憐失意人知心剩有窮愁者憑君歸語
山中友丹桂碧桃無恙否讀書須讀濟時書飲酒惟傾看花酒
衰慵昔昔寢江南白髮蒼顏五十三黃山有約終當赴何日因
君結一庵

園居雜感

難將瘦骨敵炎曦坐臥遭炊百不宜滿樹紅茸一簾雨去年今
日病來時

繞屋荷花出水新曉風夜月也憐人如何卻憶崇仙院不是田
衣山屐身

槐柳陰濃小院清門無車馬不煩扃蟬聲尙啞蛙聲老倦枕簟

騰帶癭聽

籬邊石罅暫裴回
萱艸戎葵次第開
盼得芭蕉新葉大
打窗風雨也應來

豆莢瓜藤碧蔓牽
任他鹿眼自沿緣
朝來移密將疏補
便覺臨風不自然

野蛾不解入花叢
粉蝶吟嬾態本工
寄語滕王漫分別
前身一樣可憐蟲

天際閒雲自在飛
炎歊未解午風微
碧空點綴看元好
不雨桑麻只合歸

自截長竿繫釣絲
暫垂池畔卻慵持
漁翁怪底頭多白
耐得風斜雨細時

好花移便少精神
抱甕難辭出汲頻
直爲閒人閒讚賞
可憐辛

苦灌園人

不羨蘭成賦小園底須別業置藍田但求百斛長腰米補我三年跂腳眠

戲咏董四墓桃

誰植芳桃識所藏如何桃熟客先僵品緣小異名稍重種或移栽實弗良曉露窺園青似膽涼風下馬玉流漿只愁碣字蒼苔蝕覓路提筐惱謝娘

苦瓜聯句

並序

苦瓜一名錦荔枝一名癩葡萄京師人又呼爲裂瓜蓋以其熟則自裂也李時珍本艸綱目云原出南番種於閩廣今則到處有之

苦瓜生南番

鐵

滋蔓先閩廣流傳到中原

澤

瘠沃不擇壤種子

春夏交

鉞

引須籬壁上玉楮葉暑同

澤

金梔花微仿

本神綱目云開小黃

花五瓣如棗形

實員橢脫模

鉞

皮痱癢欲痒其苦味維時

澤

曰瓜名亦

強生剝蝦蟆衣

鉞

熟褫稚子襦被惡蒲桃冤

澤

錫嘉荔子獎善

裂俗名因

鉞

貪核饒兒懷差堪擬鴻頭

澤

云何儷虎掌人情嗜

好殊

鉞

五味令口爽茹茶或不安

澤

啖此乃交倣盪觴自南烹

鉞

尋常逮竈養頓使刈菜畦

澤

不得遂生長西風七月涼

鉞

園三年想籬根蟋蟀吟

澤

棚簾絡緯紡金刀副蜜筍

鉞

水香上

簾幌謀歸秋爲期

澤

不去神已往無年送新愁

鉞

有敦記昔賞

可憐守瓜蟲

澤

何時脫塵網

鉞

玉簪花聯句

謝客人事閒好雨栽花可

鉞

移菊籬未編種梅鉏待荷

澤

園丁

來郊垌秋英擔婀娜

鉞

玉簪花兩叢娟若二女果

澤

碧葉數冬

松青莖蠱夏筍

鈇

枝枝相對橫戢戢尙含朵

澤

呼童植瓦盆依

欄遠塵堞

鈇

清涼朝軸簾寂莫人離坐

澤

徵名爾雅遺爲用本

艸夥

鈇

雕鐫造物工取象釵并瑣

澤

搏雪洗未能翦遺爲亦巨

鐵儼從

暫警導乍啓鏡斂鎖

澤

半出插稍偏全抽危欲墮

風送清芬恍惚綠雲韞

澤

搔頭將遺誰短髮不勝我

鈇

堆牀但

縹緗侍寢無嫫媼

澤

惟欹白玉冠自看丹爐火

鈇

秋晴幽趣多

清供爐齋頗

澤

馬藍紫方濃雞冠紅未妥

鈇

酤酒擬盃朋且復

纔歸舸

澤

示初民

乘車且莫羨朝官欲稱明經也大難愧我無書令誦讀憐渠何
計免飢寒捉將官裏頭全白老去光陰指一彈尙有家園諸弟
在今年廢學又將殫

爲鮐

日鐫

題堅甫設色秋花

去年作畫長安客展卷題詩今到家不識烏聊秋滿徑稊鮮可似畫中花

題畫爲子卿編修作

曉涼衣冷欲裝綿暢好西風剝棗天送客不知凡幾輩還家空說又經年挂名朝籍慙何補結社溪亭舊有緣卻笑坡仙誑江水不歸未必爲無田

繆員外

元益

以筐蟹見貽竝附駢詞小啓賦尖團二韻

謝之

曉雲將雨暗前檐落落琴聲響入簾卻嫌楊風酬簡翰安思江月在霜箱美供牢九方新授生帶微糟醉不嫌到手忽矜鄉味異爬磯爪禿老無尖

江蟹上騾磯爪爲之禿謂之爬磯蟹最肥美

江國朝魁秋已闌長安七月早登盤鳴喜且當金鑿膽對菊猶
遲白露團兒病未能聊獨酌客歸誰復勸加餐子卿南歸已三日多君
爲我支重九領取西風十日歡

寄少民

三年不見汝一卷獨開予差喜得臣筆還應讀父書持家當處
後擇友在交初好守身如玉科名事乃餘

書蔡忠惠集後

有宋慶厯全盛日賢人君子盈朝端拔茅連茹以其彙一日被
命三諫官臣襄抗疏重有請任諫非難用諫難更言災異至再
四不憚披腹呈琅玕公然上斥陛下失聞者竦立危難安談兵
要立備邊患二虜形勢胸中刊當時廟堂計果決事業何止范
與韓惜哉一載卽山守徒令泉福民騰歡後生讀書不解事輒

以小節求瑕癥前丁後蔡有遺議更舉彥國譏龍園那知茶錄
具深意盡材得地言非謾茶錄序臣退念艸木之微首辱陛下
言也即令方物偶錫貢要非花鳥求羅統是時仁宗求治急
朝無朋黨爭傷殘呂公晏公亦人傑乃遭彈劾膚無完同時四
賢一不肖詩章傳寫張契丹高君羞慙若撻市面皮雖老非權
奸倘令章蔡生竝世毒鋒讒刃交相攢讀公詩文幸公遇反復
諷咏使我心膽寒

九日寄子卿

寢回飛電光繞牀疾雷震瓦風雨狂秋衾溫暖睡不得猛思明
日爲重陽晨興雨止風未止啓戶飄颻衣生涼忽聞花糕巷唱
賣節物抵成催人忙今年氣候甚妍暝東籬未見黃花黃雞冠
蕉萃玉簪老齡嬾猶剩秋海棠偃蹇一夕又摧落頓令三徑成

滄桑登高出門悵無伴故人別我還江鄉車程計日旬有八倘
無留滯登吳航枚舉宅畔訪鮑照固叔比部定剝紫蟹鳴新薑酒邊
談笑應及我進退不決隨朝行那知組綬苦束縛不及窮餓能
仿佯憶昔家居迫佳節淋漓酒盞菜莢羹陶塘碧波漲宿雨范
蘿紅樹含新霜同游羣屐盡年少就中長者四十強合圖卓犖
幾人在在者須鬢行皆蒼戊戌登高合圖畫者六人今惟余兄弟存焉人生及時要
行樂莫待衰至追流光羨君歸路好風景觸我旅沉彌悽惶無
花無酒作重九徒當蟋蟀歌慨慷臨風攄寫遠相報候我春渚
停歸艍

汪生

樹棠

攜鉞

乾隆壬子歲所作黃山圖於京師

我游黃山歲一紀作此畫亦十年矣山靈久別如故人賴有故
人留此紙爾時信手塗抹成此日游蹤尙能指始信峯頭弄玉

蕭光明頂上清歌起左把浮邱右阮公我友當年樂忘死

謂公友已

君慰

嗟予流轉滯長安顏鬢摧頽腰脚頑卻從人海望雲海慚

愧還山又出山

當塗顧明府

之炎

用許丁卯姑孰官舍詩韻作七十自

述詩索京師故人和之次韻奉寄

京居鮮暇又閑居一歲無因再致書自壽方知君七十塵勞應
恕我靡疏宦情閒靜陶彭澤家法清嚴華子魚化得州民盡能
咏誦聲時出野人廬

官衙瀟灑似家居齋榜曾教秉燭書

聊柯軒額
錄所書也

列坐門生新聞

舊上窗槐影密還疏於時設帳方慚馬

時主講教
數書院

不意投竿又

羨魚一自青山揮手別清班三載玷周廬

名賢自昔此邦居往事牽連可竝書瑞竹堂深入簡率秀江亭

古樹扶疏腰支裊娜雖無伎溪水肥甘尚有魚

見山竹嶺溪題跋放翁入蜀記

合與使君持獻壽跼跼未返蓬廬

薄莫偶成六言

鴉猶空際歸路月印窗楞舊痕曳履閒階徙倚呼兒小立黃昏
聽說故鄉風景因思近郭江村楓葉紅過山麓菊花香到庵門

聞近年菊花以
福田庵爲勝

寄子卿

瞥眼清風已戒寒記看上馬拂征鞍偶然計日行將到如此言
歸不算難過我酒邊談往事有人屏後聽長安殷勤爲勸諸兒
學莫效家公嬾作官

送同年汪

過

歸蕪湖

時汪批選教諭

汪君老不衰厚重見儀貌不愧古孝廉允宜官學校春官八上

歸一職喜可效人生貴無常枉用流品較昔猶雖不甘飽食任
眠覺子孫無越思詩書大可教鑿予再出山三年直廬僦烏帽
減頭圍紅塵沒鞢勒窮巷僦數椽門閉客不敲晨出莫來歸冷
如冰一窖酒借市醕醪飯取溫湯滌坡教切面詐背復欺惟便凡
出關金樓子有罵奴而命名風者凡虫也何堪觸離懷又送君歸櫂應笑負馱驢
幾時出渾渾

韓城夫子以大學士在告 詔許扶杖人對養心殿石

君參知夫子作詩紀其事次韻奉和呈韓城夫子

伊耆齒杖禮所崇未聞挂之朝法宮天麟金龍有故事但憐衰

老扶其躬

元史石天麟年七十餘帝以金龍頭杖錫令杖以出入官掖

我

皇用公作模楷特嘉知止 恩龐鴻許持靈壽對便殿搏桑正

射貂裘豐懿哉可備禮經闕勿徒羨此光華隆開春角巾就私

第異數豈僅誇蒲瀆疏班邴魏太寥落聊以勇退還淳風頌揚
盛德弟子職繼聲大雅難爲工知公此志廿年久 賜罔橐筆
會隨公乾隆己酉侍師於海旋承作園倘時已有歸志待公安車祝 曼壽看撰綠玉
呈丹衷

癸亥歲朝圖並引

如願真畫鍾馗野潤一豪豬卽之妹子持杖趕逐世未
見其本載於龔聖予中山夜游圖跋中初民仿其意爲
癸亥歲朝圖蓋歲除獻鍾馗而歲名歲陽聲意適有關
合歲爲補景而系之以詩

癸穢得錢財牧豕致丞相髯君辟邪能妹子禦侮壯如畫本久
亾龔跋景曾狀拈來盡吉祥想像得意匠兒子強解事胡盧畫
依樣謂與歲干支聲意可依傍借作歲朝圖裝潢壁間障我更

進一言願兒聽母忘昔人勤文章功夫在三上承官竊聽經棄
豬甘受掠境物夫何常至人兩相安兒家雖清貧喜氣如春釀
弟妹凡七人式好皆無恙求財糞穢間知汝定不向惟期負書
囊急雇車一輛歸舟泛晴湖紅看山桃放二母幾幾何傾貲買
可諒食豕如食人一任彭亨脹大道在屎溺履絺下愈況莊生
不欺余飲酒且無量閣筆未初更已聞放爆竹

蕪湖許文

澄深

重校刊

壹齋集卷十八

當塗 黃 鐵 左田

古今體詩四十二首

盡癸亥一年

冬庖八詠次雲楣夫子韻

野雞

醯醢中厨付膳奚烹煎何必鬪韓雉自憐孤介惟堪擊雅有名
稱孰與齊雉有赤白種秋亦留皮宜豹友生毋遺卵作蛇妻只虞段
叔城逾制恨爾翻飛決起低

鐵雀

枳棘卑棲避鵲拳問渠鶻距比誰堅白翎絃索聲能寫黃雀頭
顛遠尙傳鑄就羽毛生便錯化歸淮海骨難仙何如螺髻巢中
鵲啄雪空山伴老禪

鹿尾

濃澆春雁綺筵逢爲想酣眠綠艸茸自倚上珍因我貴何能不
掉但人從醒醐空費千巡灌刀匕惟教一箸供日食萬錢曾不
惜半雞猶皮笑茅客

羊饅

爛煮肥羊作淖糜微分畛域藉刀治通明不效鸞留骨甘美渾
如蜜割脾寄語楊風須別啓莫教小宋誤吟詩年頭更有花饅
饋一例黏而也自奇

黃魚

今呼爲鯪魚據爾雅注當作黃魚

尾尾馱來欲汗牛不知濡沫幾春秋未能橫海爲雲雨枉逐神
龍共泳游一轡競甘頭骨脆千夫爭挽角弓柔關東取黃魚射而抗之不用鉤
也翻思坐釣苔磯月三寸銀刀自上鉤

水鮮

小鮮休汗釜鬻腥策策遙憐雪滿簷且莫看成河曲鯉分明吹
墮屋檐冰風清月白形如翳酒冷宵長寢若憑記昨船過平望
泊爛銀寸寸點寒燈

凍豆腐

屑豆凝漿日幾何咄嗟而辦費礪磨誰爲砥礪生圭角別與黎
祁脫臼窠沸入淡湯冰雪淨借來滋味菜羹多漫疑花乳原堪
煮說與元章本異科

元王冕始以花乳石刻爲印章自號煮石山農

醃白菜

旨蓄三冬到處同醉鄉最足醒無功自從淡齏涵濡久頗與書
生氣味通變幻若操黃白術腥羶先判馬牛風裏鹽挑菜吾能
辦卻媿園丁學未工

送同年葛

登

歸蕪湖

附君名上佛名經別後生兒十五

乾隆己酉與君計偕入都齒是歲絨第四子足民生今

十五齡矣

那怪重逢雙鬢白劇憐留滯一瓊青世需霖雨方遲潤戶

有詩書且暫局聞道諸生聚花竹春風吹遍濯纓亭

君自興化司訓需次

京師因選期尚早暫歸

餞歲迎年日夕過累君灰裏撥陰何消寒酒盞偷閒集次韻詩
篇負債多想像歸船頭抵岸欹斜老屋背臨河鯊魚燕筍時方
好獻壽高堂一笑歌

雲檐夫子贈左田硯賦答

我遷當塗自左田字之不敢忘其先

鉞祖居祁門左田邨宋末遷當塗國初再遷蕪湖

瓜疇豆區一何有溪山歸牕空雲烟舌耕筆末浪游歛粉榆未
至心拳拳每當書畫署名字落筆輒到祁山顛竭來四載滯京

輦雖欲決去無因緣吾師手硯忽相詔此產合授君家佃石廬
細潤直方大坎田一井居東偏工初鑿此在注水左右無意爲
雕鐫豈知世有好事者強加以字名陳元忽聞硯膏名固當謂
勝眉子汗嬋娟但愁青花漸韜映伴爾白髮難逢年癯中匹錦
久割截窗下爾雅誰同箋嚴徐東馬棄不顧抱我日夕親摩挲
感君辱我意良厚觸我鄉思愁無邊摩挲嘆喟憶城社恍若燕
人初離燕刻銘示後須世守此田受自商彭錢

閏二月十七日作

艸艸清明節又過宵來微雨點柔莎杏花開遜含苞好柳色濃
於昨日多誰爲園林窮勝事偶攄慷慨一高歌鶯飛艸長渾無
賴遙想江南奈若何

溫侍讀

汝適

招集澄懷園同直諸公賞千葉鸞枝卽席

賦此

春林著雨回冬枯翠芽紅粒凝流酥園扉晨啓山禽呼爲言鄰
舍花紛敷翰林主人揚馬徒招邀文酒相嬉娛我急趺履趨庭
隅花光醉我顏爲朱柔枝輭弱須欄扶到杪韡韡皆鄂不半開
紅比薔薇腴未放蕊勝珊瑚珠絳雪一團埋根株不著花處無
寸膚閒厠碧葉圓如榆柳李唐棣同而殊厥名鸞枝孰別區截
桃附本秦越俱似以雞卵令鳳雛東風一吹氣感孚舊姻新特
通劉廬作花翻笑緋桃麤有如通悅山澤曜被以袞繡慵曳瓊
周旋折旋中走趨漸覺故我非今吾維時榆莢飛青蚨杏花退
房不復姝丁香海棠交相須讓渠庭院矜蘆薢天然絕態脂粉
輸徐黃崔艾誰能圖我歌一言客且愉邨店不遠春可沽封家
姨如頻睂盱誰爲主人盡一壺明日花飛知也無

惜芍藥歌

黃簾垂地清無塵，欄藥幾髣髴驕餘春。
紫鸞白鳳互矜采，風溫日燥時愁人。
芳園許我三年住，目送堂堂春欲去。
每檢神農種藥經，輒思康樂山居賦。
雕瓊刻玉闌芳菲，山外頽霞已夕暉。
不辭秉燭淡淡翫，恐逐行雲款款飛。
參差海燕本無愁，玳瑁林鶯妙轉喉。
但覺金莖盤不墮，只知鏡檻月長留。
風前有客惟低首，不似年時笑開口。
萬斛難量庾信愁，一杯且盡陶潛酒。
檻花杯酒氣遙通，脈脈無言恨亦同。
誰留白日繩能繫，誰挽長川水不東。
將衰正盛空惆悵，柳絮榆錢太飄蕩。
懊惱封家十八姨，枉費君夫紫絲障。
繞花一度一長吟，無那還生物外心。
名山白石知堪煮，玉豉金鹽何處尋。

題寒壁圖寄補之兄

罷官辟穀誠善計歸與吾兄共匏繫吾衰已甚兄可知每一相思但流涕不圖寄我畫中顏尙似前年冬判袂翻慙面皺若枯僧白雪滿頭髮難鬚爲言寒壁神所棲貌取扁舟櫂空際大兒衣褶描寫成點綴湖天作秋霽雨皴石磴苔斑斑風戰蘆碕波細細久別烟邨想像閒如寢未醒語猶瞋何日吹船載我歸笠簷蓑袂克漁弟

寄子卿

王粲何時更遠遊停雲遙爲故人愁新荷池館依前好行李溪山幾處留乞食言辭容易拙悲歌慷慨竟難休近來事事堪驚異不獨思家白盡頭

山谷銅雀瓦硯爲萬學士

承風作有序

瓦長今營造尺八寸五分博五寸五分厚寸有奇背有

陽文隸書建安十六年造六字面中凹爲受墨處界其

傷三之一曲而斜之爲琴樣於其傍各書銘兩行行十

一字復於受墨處下界爲橫方書志十行行四字皆篆

書銘曰維曹氏西陵之陶瓦湮伏千

字缺一

溪川而出逢

世清明其屋歌舞除風雨初不自期爲翰墨主不有君

子長與巵爲伍志曰艾城王文叔爲涪州守得此於

字缺一

叔字缺一故文叔字缺一予申以爲研而歸予雙井黃庭

堅志今別集中銘千下作齡川作淵其上有當字屋作

貯除作蔽不有君子上有嗚呼二字志艾城作分甯涪

州作洛川得此於下作千仞之淵舉以畀予予申以爲

研客齋續筆云瓦絕大艾城王文叔得其一以爲研餉

黃魯直東坡所爲作銘者也後復歸王氏研之長幾三

尺澗半之與今所見異然銘詞簡雅可證集刻之譌瓦
之真贋姑不必辨

我籍當塗家蕪湖七百載上曾與涪翁居

山谷與太平梁大夫書湖陰邑中士大夫

多可人又百物價平於貧家寓食甚宜

是時此瓦儻篋衍應出傳觀邑士夫燕寢

清閒競存問他人不如我同姓惜無好事掇爲圖貽我詩孫作

歌咏流傳幸落鄉人手作記名齋要永久

學士名其齋校讎銘爲古瓦山房

刻文替譌珍重題辭付交友先生史筆追董狐奈何實錄坐以

誣請看銘首著曹氏不予以魏春秋書曰屋曰除劇典雅禮注

詩箋助揮灑強將沙礫竄黃金真本蘭亭賴此瓦高臺傾圮蓬

蒿荒蘚蝕蛛絲幾夕陽秦當漢瓦知多少益壽延年事眇芭櫛

比鱗敝此特一況汙阿瞞何足惜爲有先生字幾行遂令學士

珍如璧我時刀筆方丹黃又觀艸聖蛟螭狂

時學士以山谷刀筆屬校又有以明

華氏所藏山谷州
書李詩卷見示者恍如湖陰堂上侍几研靜挹松花擎露香

憶六安講堂叢竹題畫

百挺新芽筍三楹舊艸堂輕雷剛過雨幾日便梢牆倚檻苔花
潤開窗露葉香淮南弦誦地對此未能忘

煤窯氏

燧皇教鑛火山木遭艱屯委人供祭祀給細蒸麤薪設官到掌
炭徵令何紛煩後世聽樵采櫟積同倉囷近山艸乃燎傷水荻
以焚馬通逮牛洞襍與楫枹親未審始何時鑿石搜崖垠俾色
强名煤其實非烟塵權輿自北宋忠獻詩曾云韓魏公安陽集有燒煤戲成詩
石炭說近是石墨聲相因本艸綱目云煤卽石炭石炭卽烏金石上古以書字謂之石墨今俗呼爲
煤煤墨音相近也顧寧人曰知錄同非壚非塗泥出火以自燔荆楚間豫章功與
柴炭均惟燕用也獨載送靡冬春朝牽千橐駝莫摧千車輪模

範鑾鱗次堆垛山嶙峋一日市不售萬竈無饔飧貧家冬一爐
婦子蘇瘡駁富家夏十爐盤饌窮殍暈遂令經環涂棄灰高於
門我時詢所自但指西山邨剗鑿作何狀負馱爲何人用者固
不知知者言無文司農持國計太常善咨詢香山扈宸游歸
語所見真云有猗頓豪結屋山爲鄰役使無籍徒塗塗附豬豚
僅能具口眼一例髡髡髡油燈縛左額燄燄相吐吞載以入九
幽燭之揮鉏種不辨誰蛇伏不辨誰螻伸前者壓爲煤後者刷
其身想見山腹中點點攢青森其旁穴一竇冥冥古井眇深遠
不可知偏仄不可遵藉地木爲枕側若胡梯陳有筐象小舟底
著鐵二根當其載入下鐵木相舂舂及其曳煤上人郝木以躡
晝夜出入三獲煤不千斤課程約厥值短陌錢一緡閒日一休
息營營聚飛蟲主者復狡僇罔以入其樊碎石點樗蒲此催餉

紅裙所得喪所樂曾未移足跟譬如居囹圄暫得辭鉗髡誰按
主者罪我以奸民論又聞地中氣騰上蒸餽饋額燈不能然口
舌若有捫風輪扇播之庶以銷壺壺一輪出地上五輪藏九原
乃使大塊噫散爲山中雲我聞山主靜地脈來有源況茲神
京西拱衛爲屏藩何人敢居奇鬻山長子孫因思利民用大哉
蒙

皇仁資貧到我輩

韓魏公燒煤戲成詩無
臭含天德資貧乃地珍

得免薪桂寃食德乃

不知職業乃不勤顛毛老且禿羞對中書君烹茶要活火炮肉
教微衮尙嫌煤火烈不近墻爐溫棄置任鋤童畧與泥沙倫那
知溪山中磊塊珠玉珍哀哉煤窯民食蓼忘苦辛昏昏三辰閒
愚駭何足言幸哉煤窯民猶辱公卿存可憐裸蟲類不得如猿
猿我願復鑽火仍乞四時分林衡計林焚專錄木榴桺石火已

不壽況爨石自熏化煤作菽粟活此煤窯民

澄懷園消夏八詠

醵飲

蚶蠣新從何庾議

時戒特殺

庖廚一任土風操食經漫補淮南闕飲

興須爲河朔豪歛卻杖頭旬日挂費他車腳幾年勞書生鑿料無些子已擬東坡賦老饕

校射

山徑松陰翠欲冥晚涼校射集荷汀論人頗足成三耦偏我徒能識一丁看拓良弓鳴霹靂思穿左翼致蜻蛉也知得失渾無與中鵠風前亦可聽

垂釣

全家久住魯明江釣艇綸車遍石缸暇日也曾臨水羨得魚未

見一鉤雙閒尋鄉屨投芳餌涼逐荷風立柳椿我與鷺鷥心卻
異目勞手倦意先降

觀荷

十頃紅雲蓋鏡匳畧無水面映烏蟾忽聞葉響來凍雨漸覺花
開到畫簾密樹陰濃蟬韻歇小橋苔滑露華霑紅酣白醉迷離
甚清癯香猶似蜜甜

放鴨

不須編竹護爲闌唼唼羣呼聚淺灘泛水久知春必暖能言終
恐客過彈羽毛休令羣心妒風雪毋忘下觜寒便是鴛鴦輪此
樂趁人雙泳碧波寬

疏渠

憶從寒鏡啓塵函蒲稗因依不可芟屢向源頭尋活水時循山

腳命長鑣涓涓暑似河通漕渺渺因懷布作帆一雨平杯更汀
澇稻人合與換頭銜

種竹

露葉烟梢翠一擔移栽三徑利西南
溪根好待明年筍快雨剛逢昨夜酣
對飯難邀饒守笑入林如與阿戎談
故山萬个孫枝綠孤負秋聲俗不堪

澆花

抱甕呼童汲水涯細將燥溼驗根芽
梅花曾有門生號見杜師雄詩
玉樹元如子弟佳河潤豈辭千里遠
菊榮須令九秋皆辛勤莫便誇膏渥
終遜蕭蕭雨滴階

俗以六月廿四日爲荷花生日今年池蓮特盛戲爲四
絕句祝之

風裳水佩曉裴回，準擬司花獻壽來。
松奏笙簧蛙鼓吹，露如瓊液葉如杯。

依稀誕降在風詩，又被招邀入楚詞。
葉上元夫論甲子，不知開落幾多時。

朝朝初日繞芳塘，今日花開倍覺香。
一種天然人面白，不須湯餅試何郎。

蓮浦謠成溫八叉，謂賀坡張筵爲爾進流霞。
明年倘更徵新曲，乞取千枝竝蒂花。池南有竝蒂一朵

次韻雲楣夫子遣悶四詠

佛手柑

莫謂指非指，拈來盡妙香。
兜羅曾示現金粟，暫分光雅稱三秋。
供無須七寶，裝摩尼珠在否，一笑五天王。

師形伏苓

松液勾後貌兼收待藥師何時自西域荒徑伏東籬氣與兔絲
應靈同虎魄奇陸王倘經見畫贊兩皆宜

王微有
茯苓贊

移菊

朝汲井華寒根移野菊攢專車驅走卒易地避炎官露漸三霄
冷花遲九日看買春待相賞莫遣膠牙酸

苦瓜

種從茅屋下架倚豆棚支拆裂朱櫻綴青黃錦荔垂摘經一再
過削聽副華之食苦園丁慣南烹味亦宜

俞明府

啓桂

招游清泛園

舊游重到廿三年雪鬢霜髭一點然豈獨主人異今昔劇憐池
館亦桑田

辛酉永定河決池爲沙淤

娟娟翠竹穿虛幌渺渺清渠艤敗船剩

有高槐閒垂柳秋風蕭瑟咽寒蟬

誰遣園亭作酒壚蕭閒博得幾緡租曾經絲竹娛泉石直到菰
寒付畫圖飯時爲圖紅蓼坡回欄屈曲青山林表雨模糊一杯相屬
俞清老九日登高興有無

送陳參戎默齋之閩

此去五千里論交二十春自吾游季孟何必滅雷陳孤島遺先
烈英風芘後人勉旃崇令德拭目畫麒麟

題陳參戎攤書圖

憶君築室傷于湖發策陳編正揣摹振眼便窺芸閣秘傷心遽
作羽林孤君叔薪菴爲臺灣縣丞舛林逆之難拋經笥時刪削
屢寫書樓入畫圖說禮敦詩方可帥未應自笑一官麤

題王烟客墨花

分明五色具踰麋染出花枝帶露時卻笑諸黃太無賴枉將落墨妒徐熙

奉常山水容臺匹墨暈花心也自妍畫手亦推前輩好虛懷猶欲拜耕烟

癸亥除夕

四載未歸客今宵又一年春猶驥子隔老憶孟光賢米茗誰爲置雞豚合祀先此時雨新婦應出拜堂前

今年爲二二三
雨兒娶婦

壹齋集卷十九

黃塗 黃鉞 左田

古今體詩六十九首

甲子乙丑

嘉慶甲子正月十一日蒙 恩以戶部主事改官贊善

入直 南書房恭紀

海上神山不可攀，天風忽引到孱顏。
烝砂自笑經千劫，換骨人疑得大還。
虛有聲名慚館職，曾無詞賦動江關。
廁居王後臣何幸也，玷峨嵋供奉班。

本朝以部曹改館職者六人，惟王文簡公入直南書房。

承光天上日初華

十二日見

承光殿

雪霽松陰翠轉加，地位清高通

玉宇，簪裾連接候宮花

是日同知師院長

召見者參謬叨甲第，何裨補

媿乏謀猷，但拜嘉

上問臣錢甲第名次甚悉

換得冰銜，何以報讀書漸覺

眼麻茶

何曾郎署浮沈久已荷栽培小艸榮待詔金門剛再閨題名雁

塔記先庚笑呼弟子爲前輩

謂子鄉編修

分與同年作晚生

舊例翰林七科

前輩終身自稱晚生

王成湖庚戌正七科莫詫神仙籍稍後幾人丹竈毀能成

枕中車轂轉年年鄉繆醒時未著鞭生計荒唐難作達

君恩淡重敢歸田不離文字何殊蠹且曳殘聲慙學蟬料得妻

孥見除紙舉家食粥也欣然

貧坡前輩招賞鸞枝

去年看花穀雨前今年看花穀雨後今年花放如餅桃去年蕊
半如紅豆今年去年花總好不須較量花遲早一尊重聚去年
人醉我花閒不知老碧天澹淪朝雨晴樽桑照檻頽霞明何時
走入石家障七尺珊瑚碎有聲玉瓶旣盡微風起猶自攀條重
徙倚飛英有意點鬢來可惜我儂頭白矣人道花無十日紅黃

鵬又見綠恩那知駒隙四年過已是尊前兩度逢

送夏教諭

盤

歸青山

時教習期滿以知縣用請歸應試就教官銓選

且換頭銜拜北堂明年更治孝廉裝待君努力克前輩放我投閒返故鄉到及圩丁新飯白忙隨舉子踏槐黃呼兒急倒菖蒲醞支取端陽作別觴

輓紅塵裏住年年衣未能緇鬢尙元豈有經生無治術不將美錦易寒氊青林山自空中翠束哲詩容補後箋暇請王公入巖壑幾香謝李祀三賢王逢字會之唐隱君居巖四世孫居青山喜著書見宋史文苑傳今青山有三賢祠祀謝元暉李太白郭功甫而王氏祖孫不與亦缺典也

七月十七日奉

命典試山東出廣甯門作

西山朝爽撲城陰親奉

綸音出禁林名士由來稱歷下得人

此去愧

恩深

初六日

召見勤政殿諭當爲國家得人

須妨五色日迷眼莫負

三條燭盡心自歎槐黃曾九踏縑塵纔一浣青衿

宿良鄉邨店大雨竟夜明日山水驟至人馬不可渡爲
留一日作此代簡呈和圃前輩

初更歇初程從者已告倦日驅薄笨車忽遽易乘傳秋暑但須
與涼無十日扇鋪牀張蚊稠自謂安且便窗櫺黝月光頓翳雲
片片先覺氣鬱蒸繼乃大震電終宵聲傾盆不絕雨如線淋漓
馬騰槽蹶齧棧不戀何來么磨蟲微吻劇鋒箭血人枕席閒擇
肉恣取噉坐是眼常開至今頭尙眩披衣待平明急裝走他縣
衆傳南關外水自西山洊過涉滅頂凶行人于野戰 王程豈
不急途濱姑便旋枯坐一室中漫學達摩面因思癸卯春憩此
古佛殿壁畫事荒唐相非地獄變戲筆似明人丹青本夙擅兩壁
畫漢前將軍二郎神及小說西遊記事實頗牽合筆墨尙不俗惜哉道少人不復叩僧院因緣

憶昔遊感喟吾少賤哦詩送南鄰明日前途見

涿州道中

策策芒屨響溼沙肩輿避潦過山家誤箋綠竹王芻艸縮本黃

葵吉貝花塾道深溝虛有牒

往時方恪敏公爲直督令民於秋冬閒浚溝塾道以妨積潦行旅便

之今州縣歲終猶巾此驟然行之者鮮矣埋輪掀淖幸無車前邨已報黃梁熟就飯

茅檐日未斜

自新城十里舖乘舟至雄縣簡和圃前輩

新城十里輜不扛扁舟忽纜枯楊椿將輜載船仍入坐輜窗聊
當船篷窗長途積潦困行旅臨流我乃懷鄉邦與君少小習操
檣西江派本同中江盈盈一水僅衣帶真欲一口吸老龐微嫌
兩岸太枯寂畧無邨落聞驚龍高粱戰風作葭莢紅蓼蘸水竟
蘭茝郵籤已報白溝近呼船更載停徒扛漚麻氣臭不可泊亂

蟬復襍人聲
曉晨餐艸艸具胡餅
午睡兀兀疑吳艘
五年久別水邨趣一航
釐令鄉思降唯愁辱
命頗自媿役使羣動心爲
懷今宵邸舍幸不隔急沽邨酒烹魚雙清風一枕寢定好浪花
滿眼船頭攬

趙北口

湖光瀲灩艸芊眠
漁艇如梭自接聯
多少水禽踏波去不知誰
是信天緣

韓侯溫水坐黃昏
遠去還思得巨鱗
寄語高軒橋上過須憐辛
苦取魚人

曉發獻縣

隻堠復雙堠
肩輿度石梁
炊煙晨店靜
秋露曉衣涼
馬跡留新雨
苔花上壞牆
邨翁閒負手
笑問客何忙

憩阜城潮海寺

榆柳繞精藍門前暫解驂
老僧邀茗飲過客趁泉甘
處暑午猶熱征程日近南
秋風禾黍熟已見壓肩擔

夜發阜城

藜藜猶聽縣樓更已把松明出
阜城殘月未高雞未唱一天涼
露咽蛩聲

舟行景州道中

廿里漫河道停輿又上舟
居然渙可櫂豈止濶容輶
航恰三人受城將一塢浮
蕭蕭蘆荻外惟欠白沙鷗

入山東界

將吏紛馳德水湄
重煩斤堠監旌旗
衡平燕雀談何易
老悔詩書讀也遲
席帽疲驢思往事
霜天征雁記歸時
白袍多少明湖

畔操縵安絃待子期

濟南行館

館在府西芙蓉街屋後卽濯纓湖明德藩故邸也

小住芙蓉館行歌楊柳亭感秋身易病謝客戶淡局斗室蛩吟

壁方池笙沸瓶

濟南隨地皆泉按志北珍珠泉卽在此

惜無臺榭望不見鵲華青

在昔藩王宅名湖占濯纓白雲樓外起佳月鏡中明

舊有白雲亭

芳艸懷朱履茅檐換碧甍我來成信宿惟挹此泉清

八月五日行館晚坐追和陽明先生主試題壁詩韻先

生弘治甲子仲秋五日作也

涼風送雨日將沉柳蔭平湖暮色淡不盡珍珠隨地湧無邊蟋蟀俟秋吟科輪甲子徵前事詩就先生質此心土壤泰山何足擬鉤澣攻璞勉披尋

滕縣令張

秉銳

和余扛字韻詩見贈疊韻答之

寶洲得寶人爭扛榜人坐守堅其椿不知驪珠在誰握玉女待

啓雲中窗

世謂放榜爲揭曉

人人自謂得大將唯求與赤甯非邦石戶

之農相國裔

張爲文貞公裔孫石農其別號也

曲江風度傳京江衆中鶴立獨

軒舉軀餘奇偉高而龐種花滕縣銀一色月明不吠花開龍暇

摹秦漢作私印閒披騷雅簪離茫屬者收拾校時藝如卷大旆

綢長杠王唐歸胡世不再天崇之季言多咙戕觚大舸利江海

清溪但可搖輕艫唯愁韻語太坦率執卷兀兀心難降忽枉珠

玉旨示我快靚神駿精神雙空中彈指樓閣見眼前突兀金焦

雙珊瑚七尺紅未爛天風正湧銀濤縱

三疊前韻荅肥城令家同年弟

洙

看梅江縣春酒扛春令報客舟維椿急拋尊酒快握手江天殘

雪山當窗

已未正月見弟於蘇湖江上

是冬我亦赴京輦君已謁選來東邦

分符漸慙肥子國飲水不異錢清江相思不見條五載恠我髮
白雙眉龐可憐獨宦別妻子寢回輒憶柴門龙今年小艸被
膏澤采采忽到蒞與汪居然乘傳出京國直抵厯下芙蓉杠紅
塵眯目日已久出恐懷甕遭喧喧恰喜助我得令弟晤言猶昨
停吳艫但苦文字費點勘既見不使離心降偷聞翦燭鬥新韻
怕妨職業時增慙那知唾咳落珠玉不負江夏稱無雙明朝快
覩日五色披衣坐待晨鐘縱

四疊前韻答劉司馬

大紳

時劉爲內監試官

買栽桃李人人扛寒梅幾點娛枯椿紛紅駭綠不相管嫣然一
笑橫山窗司花在旁暗驚異何爲懷寶迷其邦忽然興到發高
唱銅琵琶撼江東江押强攻險四面敵直欲白樹收窮龐維時
鎖院秋宇淨雲中不復喧雞龙小山叢桂那易得巡檐且拾騷

人注爲言明湖在屋後惜哉限以銀河枉頃從開府泛汗漫鯨
吞鼉作聲無噓主人詩成眾賓和鸞箋飛送秋波艤長篇示我
更驚倒那不低首宣城降頗聞君家好兄弟藉甚六詔聞名懽
公非公是合何日使我得見先生雙煎茶作詩促考校且煩巨
廷洪鐘撻

題劉司馬紫筆詩稿冊

咎鳳鞭鸞要散仙造成蕊榜大羅天那知別有神通在口吐紅
霞分外妍

五疊前韻留別萬學使和圃前輩

君如龍鼎不可扛我如漁艇當移樁五年直廬農夕共清寢忽
隔蓬萊窗竭來東南學鸞鰈泳飛直到齊魯邦此邦之人有經
術不徒陸海陵潘江泰山礪礪孕奇氣明堂磊砢撐高龐東頭

西頭屋分住棘闌書鎖門無垓新宮作廟要松柏攀芳擷秀思
蘭泣須知戰退亦猿鶴六千君子韜旗扛山東與試者六千八百五十三人中武才
六十九人君留我歸竊私幸好藉獎誘弭紛咙開門明湖拭古鏡鵲
華秋色披吟艷論文尊酒易飲饑菜莢黃菊微霜降單車就道
秋正好未免離索神先懣開年游蹤徧海嶽新詩月寄魚書雙
澄懷舊巢倘相憶池南老檜青從從

王文端公輓詩

几杖來朝日驚看木稼霏公於甲子十二月初七日抵京是日木稼豈知天意在竟
爲魏公歸身自騎箕去人言化鶴非時有言公降師門忍虛負
別有淚交揮

爲張

若采

同年寫過城插柳圖卽用其索畫韻題之

誰向天山注水經橐它高擁一瓊青懸知此去春應好紅柳花

飛徧白亭

鎮番唐白亭軍也

封侯欲以醉爲鄉自笑頻年未償不意通眉長指爪卻來窮塞手開荒

沙山行

竝引

鎮番之野流沙成山高可數丈因風去來無定馬牛羊不及避壓且於同年張子曰今此會一遇之於其歸也歌以送行

沙山來高崔嵬十里五里天如撻牛羊橐它生便埋長官之車天幸哉沙山去愁雲莫倏忽晦冥不知處慘淡三家邨槎枒幾株樹長官之車於此駐父老走皇皇拳曲踞道旁人飢馬且渴不得水與漿急頰塵面竟渴腸謂官且勿飲官來自南方此水非建康強欲頰之血面如勢傷殷勤前致辭辛苦官何爲天山

雪消千里來開渠瀦水救汝飢不見青松堡外四萬紅柳枝子率其民收天山之水於六百里外開渠數百插紅柳四萬樹表識之小大盡稽首官實撫我厚自官來五年年年書大有倉囤積青靛門關蔭紅柳沙山去來歲亦偶願官留此十年作太守擊鼓作社致牛酒醉官三日笑開口

哭女巽

生汝竟何事曇華照眼空奉姑三月住贅壻一星終女小乳誰哺兒頑心尙童傷哉垂以淚定爲白頭翁

哭汝汝應知云何入寢遲生猶傷婉弱魂想更支離諱疾虞家累無言重我悲女臨危家人問遺言答以不忍說再來豈可必歸殯且無期

阿兄爲位祭淚落手中扃尙憶憐諸姪應能教汝兒邨荒歸未可書遠達猶遲壻客料得寒廳上傷心亦此時女以正月十七日亡今三十五

日矣

題楊

景曾

潯西別墅圖

楊生真好事小築傍泚流錦里園收芋黃岡竹倚樓讀詩通五
際藏帖愛雙鉤我是曾來客林泉認昔游

送何

道生

出守甯夏

地襟羌戎古夏州劈開青峽貫黃流居民自擅魚鹽利使者來
聽麥穗謳日昨九江曾渡虎春明西塞又鳴騶清時艸木饒和
氣韓范威名識得不

賀蘭山色射雄城萬馬秋屯朔漠平天與詩人開世界

帝咨良牧爲蒼生帶牛犢俗須龔遂示儉狐裘要晏嬰莫羨江
南風景好江南處處有桑耕

寰宇記甯夏謂之塞北江南

三月十八日大雨抵香山

冒雨趨香山淋漓四十里閉置車帷中如葢烏篷底雙輪作波濤掀簸殊不已雲山想當然仿佛鄉廬裏人情欣所便苦樂惟私已但憫僕夫痛不解農夫喜一飽洵可期翠浪會看起休車宿山家各各鞞衿洗馬語倘可通應爲主人恥蠶豆能幾何令我疲如此

古藤書屋雨中牡丹

穀雨已過四月破牡丹朵朵盤盂大司花豔去不相管園客淡居若奇貨愛護差同牛繫林飽喫惟防驢逸磨那知掃徑待客吟但要關門便晝臥紅殘綠暗只須臾一雨終朝忽摧挫縱教落蕊汗香泥何忍酥煎療清餓華燈錦障付奢豪雨惜風憐自酬和不辭支繖溼衣看如對伶仃擁髻坐惆悵芳時可柰何曉痕誰拭燕支浣

采紫藤花蒸食之戲次前韻

餐英例自騷人破方法新翻窮措大紫雲攪取滿囊來不用畫
錢一文貨重羅之麪細糝蒸冽比新茶香出磨兩晴園館有餘
閒日午廚烟醒高臥盪胸惟覺有層雲照眼繁花幾枝挫藤如
發願盡捨身世上翳桑定無餓梭魚蜜漬法未傳槐葉冷淘甘
可和供君吟賞克君庖應怪重科罪胡坐弊於人腹未渠憐不
見飛英泥溷泥

對木香花感舊作

憶昔僦居俯翠樓樓臨淡巷門庭幽木香一架甃牆屋葉如碧
水樓如丹花時萬朵白于雪樓上看花最奇絕雨溼何郎粉更
明日薰荀令香尤烈我時春秋十有七已解濡豪弄詞筆青門
兄弟擅才華

尹甫先生友
園鐵君兄弟

各有詩篇袖中出張筵把酒樂未央

月明樓上歌聲狂醉裏那知有人事
中尙覺花枝香顏蒼髮白衰如此座上故人皆逝矣
友園兄弟卒於閩尹甫先生亦於去冬病歿
聞說繁花根久枯剩有巋然樓未圯欲歸何處更流連
回首歡塲四十年
振觸山僧餉花朵臨風把筆一悽然

巴訓導

樹穀

以山谷書韋蘇州詩真蹟自歛見遺寄到

之日巴已辭世感泣展觀淒然成什因寄其子

光榮

手裏藏書遠見投劇憐時已賦幽憂何期我對黃山谷遽報君
歸白玉樓高閣招邀才一紀廣陵歇絕忽十秋
君精於吹簫能中所著律呂書尙未卒業
酸辛爲勉諸孤學遺稿他年世要求

六月廿三日貧坡前輩招同直諸公賞池荷卽席呈四

絕句

一池快雨晴初足滿鏡紅雲蓋正圓
多謝西鄰溫祭酒荷花生

日又開筵

人道荷花也世情今年盛特爲先生商量何物酬雲錦詩是無聲盡有聲

南臨曲徑北臨窗采采無須咏涉江但少烏篷船一隻門前閒殺綠楊棒

簪簪亂插紛如櫛練練平鋪淨不波幾度銜盃索花語曉風初日負伊多

再飲貧坡前輩直舍次前韻

風翻翠蓋翩翩舞露學歌喉纍纍圓一任狂言驚滿座兩行紅

粉總當筵

船山以引對御史至園適與斯會

太真自昔最多情玉鏡朝臨百態生錯把荷花當衛玠可憐看殺也無聲

但放疎簾不拓窗翠烟綠霧渺如江丹青便是徐熙筆只欠春
鉏立釣椿

我居北海君南海相隔盈盈一水波卻被髯秦傲黃九出門一

笑萬花多

錢與秦易堂前輩所居雖臨池皆不見花而易堂出門則萬花在望較勝於錢

白題墨菜

持齋戒殺忘求仙口爽方思菜味鮮不使蒼生無此色麪牲竹
脯也徒然

澄懷園東南土山下有泉一泓前輩張文恪公題爲樂

泉者是也歲久失疏濬水腐不可飲

鋤

移居其西日夕

見之命奴子涸其水出泥數十石蓋三日始竣事然後

清流復涌焉爰作詩索同直諸公和之

清泉棄山麓蕪穢不可治落葉釀於泥水亦爲所茲

左傳何故使吾水滋

釋文又作茲艸深沒鶴郝誰復來窺之我方賦移居仁見重嗟

字林云黑也容譬獲出土鏡了不覩須眉呼億急磨瑩還此明月姿

濁斯復清斯泉豈能自主失之而得之人強綴以楚當其濁惡
時飲馬亦嫌腐及其復清流咳唾不敢侮如聞泉有言柰何遽
如許試爲揆其原本自白于乳

芳園水四周何惜此一泓嘉茲沁心骨汨汨常自盈荷花蓋綠
鏡非不豔且明秋風一朝至蒲稗交縱橫漣漪不可見惟有乾
葉聲此時一泓水百尺淵然清

浴罷偶書

一斛清泉便澡身臨風也自振衣新不知世有蒲傳正侍婢何
緣要十人

登樂泉土山作

雲頭雨過風冷然我來山畔窺樂泉泉中古榆影合抱萬葉正
翳吟秋蟬呼僮腰鎌刈蒙密不五十步登山顛其顛上正不一
席昔有亭子今頽焉幕天席地且縱意酒無可頌茶堪煎馳車
石道轉輪鐵頗類龍骨鳴秧田六年奔走困塵土耳根忽落耕
桑邊乃知歸路眼前是不待寢寐方江天斜陽漸與歸鳥沒荷
花欲奪澄霞鮮荒園屋廬各星散自閱傳舍今何年觀泉倚樹
更幾輩烟朝霧夕相流連後來視今亦應爾知誰記憶吾詩篇
濟南郭孝廉敏磐以醋兩瓶寄餉詩以報之

醋交我豈是文淵

明何文淵與虞原據事

遠致雙瓶欲墮涎當食便吟澆

菜句留賓翼見嗜芹賢攢眉不怕崔宏度忍喙誰摹石子專

石恪

有嘗醋翁圖

莫笑書生殊嗜好吳酸曾記大招篇

七夕

饒舌人閒自武丁誰將大巧屬雙星可憐一種金閨豔道是鍼神也乞靈

駟車雲幄炫新妝賺得凡夫走欲僵那怪盧仝罵癡騃曾將富貴許汾陽

自斷此生休問天安拋機杼貴金錢不須華寢頻留顧一度銀灣又隔年

隔河彼此那無情未見星槎日日橫我恨微之太輕薄曾真卻自托張生

雨淨雲開月上弦涼生枕簟得佳眠老夫已覺情塵斷不信黃姑尙少年

澄懷園七月十四夜作

甃別園林意未堪一天風露在池南爲愁城裏窗無月思酌清

光貯入籃

宵涼如水逼衾裯寢到江天稻已收不爲今年逢夏閏中元原
卽是中秋

小報國寺訪易堂前輩

有客招提宿塵容許見尋如何傷城曲卻似入山溪樹走龍蛇
影秋生殿閣陰菴鱸有底急乘興且登臨

出家樂

並引

小報國寺在京城宣武門西北明孝肅周太后弟吉祥
出家處也太后未入宮時吉祥尙幼好游久之祝髮於
大覺寺夜宿於報國寺伽藍殿中太后不知也忽寢伽
藍來告妃弟在我殿中宿英宗寢亦同覺遣小黃門物
色之果得吉祥遂擁以白帝后后爲泣下曰弟出家何

如皇親寵耶吉祥曰卽皇親寵何如出家樂復還寺事
見名山藏曰下舊聞亦載之嘉慶乙丑秋偶過此寺因
卽其語爲詩

出家樂樂無戀朝游大覺寺暮宿伽藍殿有姊有姊不可見不
可見不相知伽藍多事寢告之中使物色得太后淚霑臆昔別
弟顏童今我髮種種借問出家樂何如皇親寵皇親寵亦可薄
君不見賣嬰田蚡禍交作皇親樂出家樂

題李因墨牡丹

李爲葛無奇妾名
因字今生號是菴

能詩不減李清照作畫專師陳白陽爲問多情葛光祿粉香何
似墨花香

花心起暈露光滋貌出禮華三月時但乞畫眉螺子黛不教侍
婢買燕支

題李晞古袁安臥雪圖

唐人臥雪圖傳者王右丞真宗饒丁謂賜以出守昇爾時云是周昉本惜爲後人易去不可徵後來趙子昂畫爲袁通甫再傳陳孟敷大德至洪武不知此圖作者誰上有題名李晞古晞古之畫趙所師買羊得王喜可知請看嵩少插霄漢老樹嘯空折枯榦小橋流水凍無聲大雪填門湮沒野洛陽令何來爲除柴關開僕夫手欲龜向火山之隈令君遡風亦孔優以袖掩口有寒慙先生鐵骨真嶙峋此時手書獨不廢人言令君賢可惜軼姓氏我觀斯圖中隱隱有名字設使高臥無先生不過洛陽空案行薦賢爲國卽令名何必閒則紀傳爭重輕

送吳

鳴捷

之官陝西

不到蓬瀛惜此人一官五載去逡巡能爲文召何妨吏但勸農

桑便活民太華氣橫秋九月金城雄控古三秦知君才畧原相
稱樂職詩成俗更淳

題王

鳳生

江聲帆影閣圖

春江浩渺山嶄巖此時不可無飛帆江山清空花漠漠此閒不
可無高閣高閣遙臨白鷺洲陵虛下瞰小於舟雲容水態日千
變盡納玲瓏窗四面粉本誰摹范華原丹青欲辨已忘言舟人
指點隔烟樹道是君家讀書處何時圖畫來長安使我忽見江
南山可憐歸棹不得縱夜夜江神來入寢我欲從君借此圖神
游日夕聊嬉娛江聲在耳帆在目我姑當歸君且出